

Miñoiak defenditzeak ez duela kontraesanik sortzen dio PPK

Popularrek Gebarari proposatuko diote errekurtsioaz arduratzea

Pren ustez, «bi kontu ezberdin» direnez «kontraesanik ez dago» Espainian administrazio bakarrari eustea eta Arabako Miñoiak defenditzearen artean. Orobat, Miñoiak Ertzaintzan sartzeagatik Polizia Legearen kontra azaldu zen Emilio Gebarari esango dio PPK inkonstituzionaltasun errekurtsioaz arduratzeke.

L. K. G. / GASTEIZ

Enrique Villar Partido Popularreko parlamentariak Gasteizen ez zuen atzo kontraesanik ikusi PPK Espainian administrazio bakarra defendatzea eta aldi berean Arabako Miñoiak Ertzaintzan sartzearen aurka hartutako jarreraren artean. Polizia Legearen kontra PPK aurkeztuko duen inkonstituzionaltasun errekurtsioaz informatzeko prentsurrekoan esan zuen Villarrek.

Legebiltzarreko parlamentariak adierazi zuenez, «bi kontu ezberdin dira guztiz». Bere ustez, administrazio bakarraren defentsa «ezaugarri modernista hutsa» da, eta Arabar Miñoiei eustea, berriz, «arlo historikoa» da.

Villarrek herenegun Polizia Legeari buruzko Parlamentuko eztabaidan iragarri zuen PPK inkonstituzionaltasun errekurtsioa aurkeztuko duela onetsi berri den legearen kontra Auzitegi Konstituzionalean. Abuztuaren aurretik errekurtsioari buruzko xehetasu-



Miñoiak Ertzaintzan ez sartzea defenditzen du PPK.

XOUSE SIMAL

✓ Miñoien auziaren «erantzule nagusia» EAJ dela deklaratu du PPK.

nak «loturik» utzi nahi dituela esan zuen atzo.

Ekimen legalaz nor arduratu den galdeturik, Emilio Gebara arabar abokatuari datorren astean proposatuko diotela jakinarazi zuen. «Baliteke gure irizpideen esanetara jartzen bada, nahi bait dugu auziaren arduraduna gaierikiko sentikorra izatea», deklaratu zuen Villarrek.

Emilio Gebara, duela hamar urte Arabako diputatu nagusia izan zen jeltzalea, Polizia Legearen aurka azaldu da egunotan, Miñoiak Ertzaintzan sartzearen kontra dago eta. Horrexegatik,

auziari buruzko txostena egin zuen, legeak ez duela Estatutua errespetatzen zioena.

UA Miñoien auziak PP eta
ETA PP
NORGEHIAGOKA UAren arte-

ko norgehiagoka ekarri izan du eta PPKo ordezkariak UAk Legebiltzarreko bilkuran izandako jarreraz berba egiteko aprobetxatu zuten. «Guk UAk aurkeztutako emendakinetako % 80 defenditu genituen eta ez dugu konprenitzen UAk gurekin alderantziz egitea», esan zuen Villarrek.

PPkoaren esanetan, bestalde, «PP da errekurtsioa aurkez dezakeen bakarra, eta UAk pozik egon behar izateaz gainera, Araba nahiz Espainia guztiko arazoak konpon ditzaketen alderdiak daudela konprenitu behar du».

UAK Espainiako Arartekoarengana joko du Polizia Legearen kontra

L. K. G. / GASTEIZ

Unidad Alavesak Alvaro Gil Robles Espainiako Arartekoarengana joko du Eusko Legebiltzarreko herenegun onetsi zuen Polizia Legearen aurka, atzo UAk iragarri zuenez. Arabako Miñoiak Ertzaintzan sartzeko legeak agindutakoaren kontrako ekimena da UAk jakinarazitakoa.

Gainera, Miñoiek beraiek beste bide bati ekitea proposatuko dutela informatu zuen UAk, alegia, orain arteko Arabako foru poliziek legeak eragindako ondorioak jasan beharko dituztelakoan, inkonstituzionaltasun kwestioa aurkezteko Auzitegi Konstituzionalean.

UAk bi asmo hauek bultzatuko ditu «arabarren antioa-

leko eskubideak defendatzeke helburuarekin», esan zuen atzo Gasteizen Anton Saenz de Santamaria UAko idazkariordeak.

Parlamentuko bilkuran PPK inkonstituzionaltasun errekurtsioa aurkeztuko duela jakinarazi ondoren iragarri ditu UAk aipatu ekimenak. Ildo horretatik, Pablo Mosquera UAko idazkari nagusiak Miñoien auziari eusteko «esanak betetzeko» eskatu zion PPri, «litekeena bait da azkenean PPK hitza jatea arrazoi politikoen eraginez».

Espainian administrazio bakarra izatearen alde PPK erakutsitako jarrera eta orain foru kontuak defenditzen ari zirearen arteko balizko kontraesana da Pablo Mosquerak atzo isladatu nahi izan zuen «kezka».

Atxitarteko «mitoa» gainditu egin dela uste du Lurraldeak

IRUNEA

Nafarroako Parlamentuak herenegun hartu zuen erabakia positibotzat jo du Lurraldea koordinakundeak. Jakina denez, autobidearen Atxitarteko zatian hobekuntza teknikoren bat aztertzeke eskatu zion Parlamentuak Juan Cruz Alliren Gobernuari.

Zenbait alderdik Atxitarte «mito interesatu» bihurtu dutela dio Lurraldeak eta, Parlamentuaren eskaerarekin «mitoa gainditu da eta konponbiderantz aurrerapausua eman da».

Hala ere, ez da tonu kritikoa

falta Lurraldearen hitzetan. Honen dioenez, alderdi gehienek ez dute beharrezko «arrazionaltasuna» erakutsi autobidearen auzian eta «amaigabeko bidetik sartu gaituzte». Koordinakundearen hitz gogorrenak PSN-PSOerentzat dira. Lurraldearen irudiko, Nafarroako sozialisten «ikuspegi apokaliptikoa» alde batera uzteko sasoia heldu da, berregarria gertatzen da eta. Herriarren nahiak eta arrazoi ekologikoak eta teknikoak baztertu. Atxitarten proiektu kaskarrean egitea hobe dela esanez konbentzitu nahi dute horiek gizarteak.

DATORREN ASTEAN ZER

Mahai berriak

EAJ eta HBren arteko elkarbiziriketarik uneko erabakiorrean sartu dira, bi bilera egiteko falta direnean. ETAren distentsioaldirako eskaintzaren itzalpean EAJ-HB elkarbiziriketek arreta berezia bereganatu dute. Joan den osteguneko bileraren ostean, protagonistek ez dute argi azaldu hurrengo pausuan nondik nora joango diren. «Bake dinamika bultzatu eta eragiteko modua» aztertzeke zazpi edo hamar eguneko epea hartu dutela adierazi zuen Joseba Egibarrek, inolako zehaztasunik eman gabe. HBk ez du argitu bake dinamika bultzatzeko proposamenik dagoen ala ez. Aitzitik, HBk argi utzi du, bere ustez, Ajuria Eneko Hitzarmenean oinarrituta ezin dela «benetako» bake estrategiarik aurrera eraman. Honetaz gain, «edozein ekimen bateratuk



XOUSE SIMAL

ETA-Estatua mintzakidetza desblokeatzeko» helburua izango duela zehaztu du Herri Batasunak. Datorren aste honetan, beste zita bat dute EAJ eta HBko mintzakideek. Data finkatuta

dago, baina ez dute ezagutera eman. Bederatzigarren bilera egin aurretik, EAJko Euzkadi Buru Batzarrek eta HBko Mahai Nazionalak asteleheneroko bilerak egin beharko dituz-

te, hurrengo pausuak neurtu eta erabakitzeke.

ETAren eskaintzak eragindako balizko mugimunduez gain, alde aurretik jarritako gidoiari jarraikiz, EAJ eta HBk «gatazka ixteko ereduak» izango dituzte aztergai ondorengo bileretan.

EAJ-HB elkarbiziriketek azken luzea egin behar dutenean, beste elkarbiziriketa mahai batzuk agertu dira horizonte politikoan. Dagoeneko, atzo zeharka eza- gutzeraz eman zenez, HB-EA eta HB-EUE elkarbiziriketek bideratzeko lehen pausuak eman dira eta datorren astean pausu berriak emango direla espero da, zita zehatzik aditzera eman ez bada ere. EAKo Asablada Nazionalak eta EUEko Biltzar Tipiak ostegunean dituzten bileren aurretik HBrekiko elkarbiziriketen berriren bat espero da.

● **AUTOBIDEKO** lanen mar-txa aztertzeke, eguna zehazteke badago ere, heldu den astean biltzekoak dira Jose Ignacio Lopez Borderias Nafarroako Herri-lan sailburua eta Roman Sudupe Gipuzkoako Garraio eta Errepide azpiegituren arduraduna. Autobidearen zati nafarra eta gipuzkoarra lotzeko eraiki behar den zubibidearen lanen adjudikazioaz hitzegin dute, eta Atxitarteko hobekuntza aipagai izango da ziurrenik.

● **EA ETA EUE** alderdien koalizioa burutzeko prozesuak aurrera darrai eta ostegunean EUEko Batzar Tipiak eta EAKo Batzar Nazionalak bi alderdiotako ordezkariak idatzitako txostenaren aztertuko dute. Honen arabera, koalizioak esparru juridiko politikoaren al-daketa negoziazioaren duen in-dar abertzaleen arteko akordioa eta «euskal berezitasuna» ber-matuko duen hitzarmena Esta-tuarekin lotzea bultzatuko ditu.

Pello Urzelai